

2022. Ordenantza fiskalak. Behin betiko onarpena 2021eko azaroaren 26an izandako Bermeoko Udaleko Osoko Bilkuran BAO 2021/12/15 239. Zk.

EKONOMIA JARDUEREN GAINEKO ZERGA ARAUTZEN DUEN ORDENANTZA FISKALA

I.- XEDAPEN OROKORRAK

1. artikulua

Bermeoko Udalak ordenantza honen arabera eskatuko du zerga, Tokiko Ogasunen abenduaren 16ko 9/2005 Foru Arauaren 20. artikuluan eta Ekonomia Jardueren gaineko Zergaren ekainaren 30eko 6/1989 Foru Arauaren Testu Bategina onesten duen 2/1992 Foru Dekretu Arauemailean ezarritakoarekin bat etorrira.

2. artikulua

Ordenantza hau aplikatzeko esparrua udalerri osoa izango da.

II.- ZERGA EGITATEA

3. artikulua

1.- Ekonomia jardueren gaineko zerga egitatea da udalerrian enpresa, lanbide eta arteko jarduerak egitea, lokal jakin baten egin zein ez eta zergiearen tarifetan zehaztuta egon zein ez.

2.- Zerga honen ondoreetarako, enpresa jardueratzat joko dira abeltzaintzako jarduerak, lokabeak direnean; baita meatzaritzakoak, industriakoak, merkataritzakoak eta zerbitzugintzakoak ere. Beraz, ez dira multzo horretan sartzen nekazaritzako jarduerak, basogintzakoak eta arrantzakoak, eta horietatik bakar bat ere ez da zerga egitatea

3.- Aurreko zenbakian ezarri denaren ondoreetarako, abeltzaintza lokabetzat joko da ondoko kasuetako batean dauden abelburu multzoen ustiapena:

- a) Jabeak ez nekazaritzako ez basogintzarako erabiltzen ez dituen lurretan gehienbat bazkatzen direnak.
- b) Landalurreko finketatik kanpoko kortan daudenak.
- c) Azienda transhumantea edo transterminantea.
- d) Haztegian bertan ekoitzi ez diren pentsuez elikatzen den azienda.

4. artikulua

1.- Enpresa, lanbide edo arteko jarduera bat egiten dala ulertuko da produzino bideak eta giza baliabideak norbere kontura antolatzen direnean, edo horreetako bat, zertarako-eta ondasunen edo zerbitzuen produzinoan edo banaketan esku-hartzeko.

2.- Zergapetutako jardueren edukia zergaren tarifetan zehaztuko da.

3.- Zergapetutako jarduerak zuzenbidean onartutako edozein bide erabilia egiaztatuko dira eta, zehatzago, merkataritza kodearen 3. artikuluan ezarritako bideak erabilia.

III.- ZERGA ORDAINDU BEHAR EZ IZATEA

5. artikulua

Ez dira izango zerga egitatea honako jarduera honeek egitea:

1.- Inbentarioan ibilgetu lez agertzen diren enpresen aktibo finkoetako ondasunak besterenganatzea, saltzailearen erabilera partikularreko eta pribatuko ondasuna saldu eta eskualdatu baino urte bi lehenago gutxienez, horrenbeste denbora erabili izan baditu.

2.- Lan pertsonalak edo lanbide zerbitzuak ordaintzeko jasotzen diren produktuak saltzea.

3.- Establezimendua apaintzeko helburu bakarra daukien gauzak erakustea. Bezeroentzako oparia erakusten bada, oster, zerga ordaindu beharko da.

4.- Handizkako salmenta denean, ekintza edo eragiketa bakarra egitea.

IV.- SALBUESPENAK

6. artikulua

1.- Zerga ordaintzetik salbuetsita dagoz:

a) Estatu, Euskal Herriko Autonomia Erkidego, Bizkaiko Lurralde Historiko, udalerri eta horren guztien administrazio erakundeak.

b) Nazioarteko itunak edo hitzarmenak direla bide salbuespena aplikatu behar jaken subjektu pasiboak.

c) Gizarte Segurantzak kudeatzen daben erakundeak eta legean ezarritakoaren arabera eratutako mutualidadeak eta bahietxeak.

d) Ikerketarako herri erakundeak eta maila guztietako ikastetxeak oso-osorik Estatuko, Euskal Herriko Autonomia Erkidegoko, Bizkaiko Lurralde Historikoko edo udalerriko diruaz ordainduak edo ongitzako edo herri erabilerako fundazioek finantzatuak, nahiz eta salbuespen modura establezimendu berean irakaskuntza horrentzat diharduen tailerretako produktuak saldu. Salmenta horretako zenbatekoa, partikularrentzat edo hirugarren batentzat baliagarria ez dena, lehengaiak erosteko edo establezimendua mantentzeko erabiliko da bakarrik.

e) Gorputz, adimen eta zentzumen urrikoen aldeko irabaz asmorik gabeko elkarte eta fundazioak, ezinduen irakaskuntza, hezkuntza, birgaikuntza eta babeserako egiten dituzten pedagogia, zientzia, sorospen eta enplegu iharduerengatik, horretarako erabilitako lantegietan ateratako ekoizkinak saltzen badituzte ere, baldin eta salmenta horren zenbatekoa, ezein norbanako ezta inorentzat ere izan gabe, lehengaiak erosteko edo establezimenduari eusteko soil-soilik erabiltzen bada.

f) Gurutze Gorria eta lurralde historikoaren xedapenaren bitartez erabakiko diren beste erakunde berdineskor batzuk.

g) Beren jarduerari zerga hau garatzen den lehen bi zergaldietan ekiten dioten subjektu pasiboak.

Horretarako, honako kasu hauetan jarduera bat ez da hasitzat joko:

1. Lehen beste titulartasun batekin egin bada; eta hala gertatzen dela ulertuko da, besteak beste, jarduera-arloak fusionatu, bereizi edo gehitzen direnean.
2. Subjektu pasiboa Merkataritza Kodeko 42.artikuluaren arabera sozietate multzo baten parte bada, baina jarduera hori taldeko beste enpresetako inork lehenago garatutako jarduera bat denean izan ezik.
3. Jarduera horretan, partaidetzaren %25 baino gehiago jarduera hori aurretik garatu duten enpresei baldin badagokie.

Aurreko paragrafoetan xedatutako betetzeko, jarduera bera garatzen dela ulertuko da, zergaren tarifetan jarduera hori talde beraren barruan sailkatuta dagoenean.

h) Jarduerari ekiten dioten subjektu pasiboak, jarduera hasi eta zerga honen lehenengo bi zergaldietan. Ondore hauetarako, jarduera bat ez hasitzat joko lehenago beste titulartasun batekin egin bada; esaterako, bategitea, bereizketa edo jarduera arloren baten gehikuntza gertatu bada.

i) Urteko eragiketa bolumena 2.000.000 eurotik beherakoa duten subjektu pasiboak.

Ez-egoiliarren Errentaren gaineko Zergaren zergadunei dagokienez, salbuespena establezimendu iraunkorrean dihardutenek soilik aplika dezakete, baldin eta eragiketa bolumena 2.000.000 eurotik beherakoa badute.

Nolanahi ere, salbuespen hau aplikatzeko ezinbestekoa da subjektu pasiboek ez edukitzea %25etik gorako partaidetza emanda letra honetan eragiketa bolumenari buruz ezarritako betekizuna betetzen ez duten enpresei, salbu eta Sozietateen gaineko Zergari buruzko ekainaren 26ko 3/1996 Foru Arauko 59 eta 60.artikuluetan, hurrenez hurren, aipatutako arrisku kapitaleko funtsak edo sozietateak edo enpresen sustapenerako sozietateak direnean eta partaidetza hori sozietatearen xedearen betekizunaren ondorio denean.

Letra honetan ezarritako salbuespena aplikatzeko erregela hauek hartu behar dira kontuan:

1. Eragiketa bolumena Sozietateen gaineko Zergari buruzko ekainaren 26ko 3/1996 Foru Arauko 2.artikuluko 7.idatz-zatian ezarritakoaren arabera kalkulatu da.

2. Sozietateen gaineko Zergaren, Pertsona Fisikoen Errentaren gaineko zergaren eta Ez-egoiliarren Errentaren gaineko Zergaren subjektu pasiboen eragiketen bolumena haxe izango da: aitorpena zerga-zorra sortu den urtearen aurreko urtean aurkeztu beharreko zergaldikoa.

Zergei buruzko Foru Arau Orokorreko 33.artikuluari aipatutako sozietate zibilen eta erakundeen eragiketen bolumena zerga honen ziozko zorra sortu den urtearen azken aurreko urtekoa izango da. Zergaldia urtebete baino laburragoa izan bada, eragiketen bolumena urtekoratu egingo da.

3. Subjektu pasiboaren eragiketen bolumena kalkulatzeko hark egindako jarduera ekonomiko guztiak hartuko dira kontuan.

Erakundea, Merkataritzako Kodearen 42.artikuluaren arabera, sozietate talde bateko kidea bada, lehenago aipatu magnitudeak talde horretako erakundeen multzoari egokituko zaizkio. Era berean ezarriko da irizpide hau pertsona fisiko batek bakarrik edota bigarren gradura arte, azkena ere barne, zuzeneko edo alboko ahaidetasun, odol-ahaidetasun edota ezkontahaidetasun lokarriez bat egindako beste pertsona fisikoekin batera kide den beste erakunde batzuekin harremanak baditu Merkataritzako Kodearen 42. artikulua aipatzen dituen balizkoren batean.

Aurreko paragrafoan xedatutakoaren ondoretarako, Merkataritzako Kodearen 42.artikuluko kasuak abenduaren 20ko 1.815/1991 Errege Dekretuak onetsitako urteko kontu bateratuak formulatzeko arauetako lehenengo kapituluko 1.atalean ezarritakoak direla ulertuko da.

4. Ez-egoiliarren Errentaren gaineko Zergaren kargapekoen eragiketen bolumena Espainiako lurraldean dituzten establezimendu iraunkor guztiei egotzi ahal zaiena izango da.

Artikulu honen 2.apartatuan "aurreko idatz-zatiko d) eta e) letretan arautu diren onurak" ipini barik " aurreko idatz-zatiko d) eta g) letretan" ipini behar du.

2.- Aurreko atalaren d) eta e) hizkietan araututako onurak erregutuzkoak izango dira eta alde batek eskaturikoak izango dira egokia denean.

3.- Edozelan be, salbuespenak emateko edo ukatzeko, lurralde historikoko Foru Aldundiaren txosten teknikoa behar da aurretik.

V.- SUBJEKTU PASIBOAK

7. artikulua

Zerga honen subjektu pasiboak dira lurralde historiko zergen Foru Arau Orokorraren 34. artikuluan aitatzen diren erakundeak eta pertsona fisikoak eta juridikoak, zerga egitatea eragin daben jarduerak udalerrian egiten badira.

Urte natural bakoitzean sei hilabetez baino gehiago atzerrian bizi diren subjektu pasiboek Espainiako helbidea daukan ordezkari bat izendatu beharko dabe, udal ogasunarekin izan leitekezan hartuemonetarako.

Aurreko idatz-zatiko a), b), c) eta f) letretan aipatutako subjektu pasiboek ez dute zertan aurkeztu Zergaren matrikularen alta-aitorpena.

VI.- ZERGA KUOTA

8. artikulua

Zerga-kuota hurrengo aitatuta dagozan elementu eta eragiketen emaitza izango da:

1-Ekonomi Jardueren gaineko Zergako Tarifak eta Jarraibidea onesten dituen 1/1991 Arauemailea Foru Dekretuan ezarritako gutxiengo udal kuotak eta 14 erregelan aurreikusitako tributu elementuak kontutan izandako oinarritzko kuota.

2- Aurreko ataleko oinarritzko kuota eragiketa bolumenaren araberako haztapen koefiziente honeekaz gehituko da:

<u>Eragiketen bolumena</u>	<u>Koefizienteak</u>
2.000.000,00 eta 6.000.000,00 euro bitartekoak	1,20
6.000.000,00 eta 10.000.000,00 bitartekoak	1,22
10.000.000,01 eta 50.000.000,00 bitartekoak	1,24
50.000.000,01 eta 100.000.000,00 bitartekoak	1,27
100.000.000,00 gorakoa	1,30
Eragiketa-bolumenik ez	1,25

3- 2. ataleko emaitza udalerrietan egiten diren jarduera guztietarako **2,2** koefiziente bakarrarekin gehituko da. Horrela, azken honen emaitza izango ordaindu beharreko zerga-kuota.

VII.- ZERGALDIA

9. artikulua

1. Zergaldia egutegiko urtea bera izango da, salbu eta alta aitorpenak direnean, horrelakoetan jarduera hasten den egunetik egutegiko urtea amaitu artekoa izango baita, artikulua honen 2. paragrafoko 2. paragrafoan xedatutakoa eragotzi gabe.

2. Zergaldiaren lehen egunetik aurrera sortuko da zerga eta kuotak ezin izango dira txikitu jarduera urte naturalarekin batera ez bada hasten, alta adierazpenen kasuetan izan ezik. Kasu horretan, urtea amaitzeko falta diren hiruhileko naturalen kopuruaren proportzioan kalkulatu dira kuotak, jarduera hasten den hiruhilekoa barruan dela.

3. Bajen gainera adierazpenetan, bajaren egunera arte igaro diren hiruhilekoen kopuruaren proportzioan kalkulatu dira kuotak, zergapetutako jarduerari izten jakon hiruhilekoa barruan dela, hiruhileko hori alta aurkeztearekin batera egiten denean izan ezik. Halan danean, hurrengo urteko lehen egunetik aurrera izango ditu ondorioak bajak.

4. Ikuskizunak badira, jarduketa bakarren gainera kuotak direnean, jarduketa bakoitza egitean sortuko da zerga, eta arauetan ezarritakoaren arabera aurkeztu beharko dira adierazpen egokiak.

VIII.- ZERGAREN KUDEAKETA

10. artikulua

1. Zergaren matrikulatik abiatuta kudeatzen da zerga. Matrikula hori urtero gauzatuko da eta ekonomia jarduerak, subjektu pasiboak, zerga zorrak eta, halan danean, foru errekaruak izango dituen zentsuek osotuko dabe matrikula. Berau jendearen eskura egongo da.

2.- Hain zuzen ere, foru araua honetako 5.artikuluko 1.idatz-zatiko h) letran ezarritako salbuespena ezin aplikatu duten subjektu pasiboek Zerga Administrazioari jakinarazi behar diote euren eragiketen bolumena".

3. Zergen ikuskapenen edo altak eta komunikazioak gauzatzearen ondorioz zentsuan agertzen diren datuak sartu, kendu edo aldatzen badira, administrazio ekintza burutu dela ulertuko da eta zentsua aldatu beharra eragingo dau. Zentsuetan dagozan datuen gaineko matrikularen edozein aldaketa egiteko, aurretik azken urteotan aldatu beharko dira halanbeharrrik.

4. Subjektu pasiboek artikulua honen 2. atalean agertzen diren adierazpenak aurkezten ez badituzte, udalak ofizioz jardun leike adierazo bako datuak sartzeko eta aurkeztutako datuak zuzentzeko akatsen bat balego, zigorak dakarzan zigorre edo ezarritako betebeharrak ondo ez betetzeak dakarzan zigorre kalterik egin barik.

11. artikulua

Udal administrazioaren laguntasunari kalterik egin barik, Lurralde Historikoko Foru Aldundiak ezarri eta kalifikatuko ditu kuotak.

12. artikulua

Udalaren eskumena da zerga kudeatzea, kitatzea eta biltzea. Halanda be, Tokiko Ogasunen abenduaren 16ko 9/2005 Foru Arauaren 8. artikulua dala bide, udal honek hitzarmena izenpetuko dau Foru Aldundiarekin berau kudeatu, kitatu eta biltzeko.

13. artikulua

Zerga arau-hausteen kalifikazioaren inguruko gai guztietan eta horreei jagokezan zigorren inguruko gai guztietan, Kudeaketa, Kitapen eta Ikuskapenaren gaineko Ordenantza Fiskal Orokorra bete beharko da.

14. artikulua

Jarduerak sailkatzeko eta kuotak ezartzeko egintzen aurkako errekurso eta erreklamazioak direla eta, Bizkaiko Zergei buruzko Foru Arau Orokorren 156 eta 168 bitarteko artikuluetan xedatutakoa beteko da. Bizkaiko Foru Aldundia izango da horrelako errekurso eta erreklamazioak ebazteko organo eskuduna. Errekurso edo erreklamazioa jarrita ere egintzaren betearazpena ez da etengo.

15. artikulua

1.- Foru Aldundiak egingo du matrikula eta Udalari igorriko dio.

2.- Behin matrikula jaso eta gero, Udalak jendaurrean azalduko du hamabost egunez, ukitutako zergadunek aztertu ahal dezaten eta bidezko deritzeten erreklamazioak aurkeztu ahal ditzaten.

.3.- Jendaurreko azalpen epea amaitu eta erreklamazioak ebatzi ondoren, emaitzaren ziurtagiria Foru Aldundiari igorriko zaio onetsi dezan. Behin onetsita, udalek ordainagiriak egingo dituzte lankidetzarako arauen kalterik gabe.

IX.- XEDAPEN IRAGANKORRA

Bigarren: Ekonomi Jardueren gaineko Zergaren subjektu pasiboei dagokienez, 7/2003 Foru Araua indarrean jartzean bertan ezarritakoaren arabera hura ordaindu beharretik salbuetsita ez daudenek jarduera bati ekitearen ziozko hobaria, Ekonomi Jardueren gaineko Zergaren tarifak eta jarraibideak onetsi dituen apirilaren 30eko 1/1991 Araugintzako Foru Dekretuko Tarifen bigarren ataleko 1. denentzako oharrean araupetutakoa, aplikatu badute euren kuotan, hobari hori aplikatzen jarraitu ahal izango dute, aipatutako baterako oharrean ezarritakoari lotuz, harik eta hobariaren aplikazio aldia amaitu arte.

Hirugarrena: 7/2003 Foru Araua indarrean jarri aurretik hasitako prozedurei ez zaie aplikatuko bertan ezarritakoa, hots, lehengo arauen arabera eramenduko dira

Laugarrena: Foru arau honek edo ordenantza fiskalek egindako aldaketaren bat dela zio ordainagiri bidez kobratzen diren zerga-zorren elementuetan zerbait aldatzen bada, taldeka jakinaraziko da ediktu bidez eta ez da egongo banaka jakinarazi beharrik; honek 2004.urtean soilik izango ditu ondoreak.

Zerga hau aplikatzen hasten danean edozein onura fiskal daukienek Merkataritzako eta Industriako Jardueren gaineko lizentzia fiskalean edo Lanbide Jardueren eta Artisten Jardueren gaineko lizentzia fiskalean, onura iraungi artean jarraituko dabe izaten onuradunak lehenengo kasuan, eta gozatzeko azken egunik eduki ezik, 1993ko abenduaren 31ra artean, azken egun hori barruan dala.

X.- XEDAPEN GEHIGARRIA

Gutxieneko kuotak finkatzeari eta kuoten jarraibidea egiteari jagokonez, gero kudeatu ahal izateko, Ekonomia Jardueren gaineko Zergaren jarraibideak eta tarifak onetsi dauzan apirilaren 30eko 1/1991 Arauen gaineko Foru Dekretuan ezarritakoa bete beharko da.